



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 20. Columnæ Cardinalis extrema.

[urn:nbn:de:hbz:466:1-66433](https://nbn-resolving.org/urn:nbn:de:hbz:466:1-66433)

xisset: insuper ejusdem suppellex diven-
debatur, ut Bononiensibus ablata reddi
possent. Subinde vero Papa miseratione
motus, temperato nonnihil carceris
squalore eundem in cœnobia S. Onuphrii
honestiori custodiæ mancipari jussit, con-
cessa itidem facultate, ut ad Recineten-
sem Cardinalem sese recipere valeret, ubi
etiam die decima tertia Julii præ nimio
dolore consumptus est.

Sæcul. XVI.
A.C. 1508.

§. XX.

Columnæ Cardinalis extrema.

Alter erat Joannes Columna, Martini V.
Nepos Antonii Principis Salernitani
Filius, ac Fabricii, & Prosperi Bellidu-
cum generosissimorum frater. Is die
decima quinta Maji Anno Domini mille-
simo quadringentesimo octogesimo a Six-
to IV. purpura decorabatur, verum
paulo post ab eodem Papa moto in Fer-
dinandum Neapolis Regem bello, cujus
partibus adhæserat, comprehendi jube-
batur, ubi vitæ suæ discrimen subiisset,
nisi pace conciliata, ex arce S. Angeli,
in qua plusquam integrum annum ca-
ptivus detinebatur, liber evasisset: De-
mum vero multis præclare gestis, quo-
rum suo loco mentionem ingessimus, Ro-
mæ diei vigesima sexta Septembris e vi-
ta migravit, annos natus quinquaginta

Ciacon. ib.
Gnicc. hist.
lib. 1.
Paul. Jov.
lib. 3.
Onuphr.
Aubery,
Spond.

Sæcul. XVI. & unum : sepultus est in Ecclesia SS. A.C. 1508. duodecim Apostolorum, ubi hodieum ejusdem sepulchralis inscriptio legitur.

§. XXI.

*Trivultii, Trimollii, & Francioti
de Ruvere Cardinalium
fata.*

*Raynald. hoc
ann. n. 24.
Ciacon. l. c.*

Tertius inter Purpuratos, qui mortalitatem exuerant, erat Antonius Trivultius Petri Trivultii filius, ac Theodori Franciæ Marescalli frater, qui primo Rotæ Romanæ Auditor, postea Anno salutis millesimo quadringentesimo octogesimo septimo Comensis Episcopus nominabatur. Hic jussu Joannis Galeatii Mediolanensis Ducis, cui a secretis erat, Orationis munere primum apud Venetos, dein apud Neapolitanos functus est, ac regiam inde Sponsam Isabellam Arragoniam Ferdinandi Regis Neptem Mediolanum deduxit: postquam vero Galli Mediolanum occupaverant, ipse eorum partes secutus, ad preces Galliarum Regis ab Alexandro VI. summo Pontifice Anno Christi millesimo quingentesimo Cardinalium Senatui adscriptus fuit. Die vero decima octava Martii annos natus quinquaginta & unum ex nimio animi dolore, quem ob Ludovici Trivultii fratris sui in ætatis flore defuncti obitum